

ԿԱՐԳ

ԵՎՐԱՍԻԱ ՄԻՋԱԶԳԱՅԻՆ ՀԱՄԱԼՍԱՐԱՆԻ ՕԳՆՈՒԹՅՈՒՆՆԵՐԻ ՏՐԱՄԱԴՐՄԱՆ

1. Եվրասիա միջազգային համալսարանի՝ ուսանողի օգնության տրամադրման կարգը սահմանվում է համաձայն Եվրասիա միջազգային համալսարանի կանոնադրության:

2. Ուսանողական ֆինանսական օգնությունը Եվրասիա միջազգային համալսարանի բյուջեի ծախսային մասում նախատեսված ֆինանսական միջոցների, ինչպես նաև ՀՀ օրենսդրությամբ չարգելված այլ աղբյուրների հաշվին ուսանողական կրթաթոշակների տրամադրումն է: Ուսանողական կրթաթոշակը ֆինանսական օժանդակություն է բարձր ՄՈԳ ունեցող, գերազանց և լավ առաջադիմություն ցուցաբերած, պատշաճ վարքագիծ դրսևորած ուսանողներին՝ ֆինանսական խրախուսանքի ձևով:

3. Ըստ մասնագիտությունների՝ Համալսարանի կողմից հատկացված ուսանողական ֆինանսական օգնությունների քանակը փոփոխական է և կախված է բարձր առաջադիմություն ցուցաբերած ուսանողների ընդհանուր թվից:

4. Առաջին կուրսի ուսանողները ֆինանսական օգնության իրավունքից կարող են օգտվել միայն ուսումնառության 2-րդ կիսամյակից:

Ըստ առաջադիմության միջին ցուցանիշի՝ ֆակուլտետը ըստ կուրսերի կազմում է ուսանողների ցուցակը:

5. Կազմված և հաստատված ցուցակը ֆակուլտետի դեկանը ներկայացնում է ուսումնական մաս:

Ուսումնական մասն ըստ առաջադիմության ամբողջացնում է բոլոր մասնագիտությունների ուսանողների ցուցակը և իրականացնում է մրցույթ: Մրցույթի արդյունքների հիման վրա կազմվում է կրթաթոշակից օգտվող ուսանողների ցուցակը, որը պարտադիր վավերացվում է պրոռեկտորի կողմից:

6. Համալսարանի ուսումնական մասի կողմից հաստատված ցուցակները հրամանագրվում են Եվրասիա միջազգային համալսարանի ռեկտորի կողմից և տեղեկացվում ուսանողներին հրապարակման ճանապարհով (փակցվում են ֆինանսական օգնության տրամադրման համար նախատեսված ցուցատախտակին): Հրամանում պարտադիր նշվում է կրթաթոշակի տրման ժամկետը՝ աշնանային կիսամյակի համար տվյալ տարվա սեպտեմբերի 1-ից մինչև հաջորդ

տարվա հունվարի 31-ը և գարնանային կիսամյակի համար փետրվարի 1-ից մինչև հուլիսի 31-ը: Ցուցակների վերաբերյալ բողոք-դիմումները կարող են ներկայացվել համալսարանի ուսումնական մաս ցուցակների հրապարակումից հետո՝ եռօրյա ժամկետում:

7. Ցուցակներում անճշտություններ, վրիպումներ, սխալներ, ինչպես նաև ցուցակների կազմման ընթացակարգի այլ խախտումներ հայտնաբերելիս համալսարանի ռեկտորը իրավասու է տվյալ մասնագիտության ուսանողների ցուցակը հետ վերադարձնել տվյալ ֆակուլտետ՝ նոր մրցույթի կազմակերպման պահանջով:

8. Եվրասիա միջազգային համալսարանն սահմանում է հետևյալ կրթաթոշակները:

8.1. «Օհանյան» կրթաթոշակ,

8.2. «Եվրասիա» կրթաթոշակ,

8.3. Դասավանդման կրթաթոշակ,

8.4. Հետազոտական կրթաթոշակ:

8.1.1 «Օհանյան» կրթաթոշակը տրվում է ուսանողների 5%-ին, որոնք ունեն ամենաբարձր ՄՈԳ-ը: Այս կրթաթոշակը կազմում է ուսանողների մեկ կիսամյակի վարձի 10-100%-ը:

8.1.2. Բակալավրատուրայի ուսանողներին, ովքեր շահում են այս կրթաթոշակը, առաջարկվում է աշխատել ԵՄՀ-ում շաբաթական 1-10 ժամ, մագիստրատուրայի ուսանողներին՝ շաբաթական 2-20 ժամ: ԵՄՀ-ի բոլոր ուսանողներն իրավունք ունեն շահել այս կրթաթոշակը: Նրանք գնահատվում են ըստ ՄՈԳ-ի:

Կրթաթոշակի չափը, պարգևատրվող ուսանողների թիվը և նրանց համար սահմանված աշխատանքի տևողությունը՝

Կրթաթոշակի կարգը	Կրթաթոշակի չափը՝ ըստ ուսման վարձի	Պարգևատրվում է ուսանողների թվի	Աշխատանքի տևողությունը /շաբաթվա կտրվածքով/	
			բակալավրատուրա	մագիստրատուրա
I	100%-ը	0,5%-ը	10 ժամ	20 ժամ
II	90%-ը	հաջորդ 0,5%-ը	9 ժամ	18 ժամ
III	80%-ը	հաջորդ 0,5%-ը	8 ժամ	16 ժամ
IV	70%-ը	հաջորդ 0,5%-ը	7 ժամ	14 ժամ
V	60%-ը	հաջորդ 0,5%-ը	6 ժամ	12 ժամ
VI	50%-ը	հաջորդ 0,5%-ը	5 ժամ	10 ժամ
VII	40%-ը	հաջորդ 0,5%-ը	4 ժամ	8 ժամ
VIII	30%-ը	հաջորդ 0,5%-ը	3 ժամ	6 ժամ
IX	20%-ը	հաջորդ 0,5%-ը	2 ժամ	4 ժամ
X	10%-ը	հաջորդ 0,5%-ը	1 ժամ	2 ժամ

«Օհանյան» կրթաթոշակի մասին որոշումները հայտարարվում են յուրաքանչյուր կիսամյակի սկզբում և ուժի մեջ են մինչև այդ կիսամյակի ավարտը:

8.2.1.«Եվրասիա» կրթաթոշակը հիմնված է առաջադիմության վրա և տրվում է երկրորդ, երրորդ և չորրորդ կուրսի ուսանողներին, որոնք զգալի աճ են արձանագրել ակադեմիական ուսուցման ոլորտում: Կրթաթոշակը կազմում է մեկ կիսամյակի ուսման վարձի 10-100%-ը: Այն հատկացվում է ուսանողների 5%-ին, ովքեր ուսման առաջադիմության մեջ կտրուկ տեղաշարժ են արձանագրում և մոտ են հավակնելու «Օհանյան» կրթաթոշակին, ապահովում են առավել բարձր կրթական զարգացման տեմպ:

8.2.2.Բակալավրատուրայի ուսանողներին, որոնք շահում են այս կրթաթոշակը, առաջարկվում է աշխատել ԵՄՀ-ում շաբաթական 1-10 ժամ, մագիստրատուրայի ուսանողներին՝ 2-20 ժամ: Ուսանողի ակադեմիական աճը հաշվարկվում է նախորդ կիսամյակի ՄՈԳ-ից մինչև ընթացիկ կիսամյակի ՄՈԳ-ը:

Կրթաթոշակի չափը, պարզևատրվող ուսանողների թիվը և նրանց համար սահմանված աշխատանքի տևողությունը.

Կրթաթոշակի կարգը	Կրթաթոշակի չափը՝ ըստ ուսման վարձի	Պարզևատրվում է ուսանողների թվի	Աշխատանքի տևողությունը /շաբաթվա կտրվածքով/	
			բակալավրատուրա	մագիստրատուրա
I	100%-ը	0,5%-ը	10 ժամ	20 ժամ
II	90%-ը	հաջորդ 0,5%-ը	9 ժամ	18 ժամ
III	80%-ը	հաջորդ 0,5%-ը	8 ժամ	16 ժամ
IV	70%-ը	հաջորդ 0,5%-ը	7 ժամ	14 ժամ
V	60%-ը	հաջորդ 0,5%-ը	6 ժամ	12 ժամ
VI	50%-ը	հաջորդ 0,5%-ը	5 ժամ	10 ժամ
VII	40%-ը	հաջորդ 0,5%-ը	4 ժամ	8 ժամ
VIII	30%-ը	հաջորդ 0,5%-ը	3 ժամ	6 ժամ
IX	20%-ը	հաջորդ 0,5%-ը	2 ժամ	4 ժամ
X	10%-ը	հաջորդ 0,5%-ը	1 ժամ	2 ժամ

8.2.3.«Եվրասիա» կրթաթոշակի մասին որոշումները հայտարարվում են յուրաքանչյուր կիսամյակի սկզբում և ուժի մեջ են մնում մինչև դրա ավարտը: Եթե ուսանողը միաժամանակ շահում է և՛ «Օհանյան», և՛ «Եվրասիա», կրթաթոշակները, ապա նրան տրվում է դրանցից ամենաբարձրը:

8.3.1.«Դասավանդման» կրթաթոշակը տրվում է՝ ուսանողին որպես դասախոսի օգնական ներգրավելով դասավանդման ընթացակարգի մեջ: «Դասավանդման» կրթաթոշակը չի տրվում այն

ուսանողներին, որոնք շահել են «Յետազոտության», «Եվրասիա» կամ «Օհանյան» կրթաթոշակները:

8.4.1. «Յետազոտության» կրթաթոշակը շնորհվում է հետազոտության և զարգացման գրասենյակի կողմից: Այն տրվում է այն ուսանողներին, ովքեր գիտահետազոտական աշխատանքներ կատարելու մեջ ցուցաբերում են հմտություններ ու կարողություններ և պատրաստվում են միանալ Համալսարանի հետազոտական ծրագրերի շրջանակներում կատարվող աշխատանքներին: Այն չի կարող տրվել ուսանողներին, ովքեր շահել են վերը նշված կրթաթոշակներից որևէ մեկը: Յետազոտության արդյունքում ստացվելիք կրթաթոշակի մասին տեղեկությունները հաղորդվում են յուրաքանչյուր կիսամյակի սկզբում, և պայմանագիր է ստորագրվում հետազոտողի ու ուսանողի միջև:

9. Ուսանողների պատշաճ վարքագիծը դրսևորվում է նրանց կողմից համալսարանի ներքին կարգապահական կանոնները խստիվ պահպանելու մեջ, և նշված կանոնների խախտման համար ռեկտորի, պրոռեկտորի կամ ֆակուլտետների ղեկանների կողմից տրված նկատողության հրամանները կարող են հիմք ծառայել կրթաթոշակ չհատկացնելու համար: